

古夢
杭梁
雜錄
記
(三)



四庫全書提要

古杭雜記詩集四卷

不著撰人名氏。皆載宋人小詩之有關事實者。各爲詳其本末。如本事詩之例。目錄末有題識云。已上係宋朝遺事。一新繡梓。求到續集。陸續出售。與好事君子共之。其書目又別題一依廬陵正本六字。蓋元時江西書賈所刊也。所記凡四十九條。多理宗度宗時嘲笑之詞。不足以資考核。案陶宗儀說郛內亦載有是書。題作元李東有撰。然與此本參較。僅首二條相同。餘皆互異。未喻其故。觀書首標題。殆古杭雜記爲總名。而詩集爲子目。乃其全書之一集。非完帙也。

古杭雜記

理宗庚申賈似道初入相。有人作詩云。收拾乾坤一擔擔。上肩容易下肩難。勸君高着擎天手。多少傍人冷眼看。

晉郭璞錢唐天目山詩云。天目山前兩乳長。龍飛鳳舞到錢唐。海門一點巽峯起。五百年間出帝王。及高宗中興建邦。天目乃主山。至度宗甲戌山崩。京城騷動。時有建遷蹕之議者。未幾宋鼎遂移。有人作詩云。天目山前水齧磯。天心地脈露危機。西周浸冷觚稜月。未必遷岐說果非。

開禧韓侂冑開邊隙。至函其首以乞和。太學有詩云。晁錯旣誅終叛漢。於期已入竟亡燕。

驛路有白塔橋。印賣朝京里程圖。士大夫往臨安。必買以披閱。有人題于壁曰。白塔橋邊賣地經。長亭短驛甚分明。如何祇說臨安路。不較中原有幾程。

寶慶丙戌袁樵尹京。於西湖三賢堂賣酒。有人題壁曰。和靖東坡白樂天。三人秋菊薦寒泉。而今滿面生塵土。却與袁樵課酒錢。

太學服膺齋上舍鄭文秀州人。其妻寄以憶秦娥云。花深深。一勾羅襪行花陰。行花陰。閒將梅帶。細結同心。日邊消息空流淚。畫眉樓上愁登臨。愁登臨。海棠開後。望到如今。此詞爲同舍見者傳播。酒樓妓館皆歌之。以爲歐陽永叔詞。非也。

娶州劉鼎臣赴省試。臨行妻作詞名鷓鴣天云。金屋無人夜剪綰。寶釵翻過齒痕輕。臨行執手殷勤送。襯取蕭郎兩鬢青。聽祝付。好看成。千金不抵此時情。明年宴罷瓊林晚。酒面微紅相映明。

易祓字彥章。譚州人。以優校爲前廊。久不歸。其妻作一剪梅詞寄云。染淚修書寄彥章。貪做前廊。忘却回廊。功名成遂不還鄉。石做心腸。鐵做心腸。紅日三竿懶畫粧。虛度韶光。瘦損容光。何日得成雙。羞對鴛鴦。懶對鴛鴦。

三山蕭軫登第。榜下娶再婚之婦。同舍張任國以柳梢青詞戲之曰。掛起招牌。一聲喝采。舊店新開。熟事孩兒家懷。老子畢竟招財。當初合下安排。又不豪門買獸。自古道。正身替代。見任添差。

理宗朝嘗欲舉行推回畝田之令。有言而未行至。賈似道當國卒行之。有人作詩曰。三分天下二分亡。猶把山川寸寸量。縱使一坵添一畝。也應不似舊封疆。又有作沁園春詞云。道過江南。泥牆粉壁。右具在前。述何縣何鄉里。住何人地。佃何人田。氣象蕭條。生靈憔悴。經界從來未必然。惟何甚。爲官爲已。不把人憐。思量幾許山川。況土地分張又百年。四蜀巉巖。雲迷鳥道。兩淮清野。日警狼煙。宰相弄權。姦人罔上。誰念干戈未息肩。掌大地。何須經理。萬取千焉。

蜀人文及翁登第後。期集遊西湖。一同年戲之曰。西蜀有此景否。及翁卽席賦賀新郎云。一勺西湖水。渡江來。百年酣醉。回首洛陽花世界。煙渺黍離之地。更不復新亭墮淚。簇樂紅粧搖畫舫。問中流擊楫何人。是千古恨。幾時洗。余生自負澄清志。更有誰雞溪未遇。傅巖未起。國事如今誰倚仗。衣帶一江而已。使都

道江神堪恃。借問孤山林處士。但掉頭笑指梅花蕊。天下事。可知矣。

項羽廟在臨安近郡三衢十八里頭樟戴市。市人失火。延及斯廟。人有詩曰。嬴秦久矣酷斯民。羽入關中又火秦。父老莫嗟遺廟毀。咸陽三月是何人。

淨慈寺。乃祖宗功德院。側有五百尊羅漢。別創一田字殿安頓。裝塑雄偉。殿中有千手千眼觀音一位。尤爲精製。其第四百二十二位阿濕毗尊者。獨設一龕。用黃羅爲幙。幙之傍置籤筒一座。其像側身偃蹇。便腹斜目。覷人而笑。臨安婦人祈嗣者。必詣此炷香點禱。以手摩其腹。云有感應。日積月久。汗手加於泥粉之上。其腹黑光可鑒。邪說誣民如此。又假此以爲題化之端。斂掠民財。不可勝計。其無忌甚矣。史彌遠作相時。士夫多以鑽刺得官。伶人俳優者。一人手執一石。用一大鑽鑽之。久而不入。其一人以物擊其首曰。汝不去鑽彌遠。却來鑽彌堅。可知道鑽不入也。遂被流罪。

舊傳三歲拜郊。或明堂大禮。所有在前誤國姦臣首級在大理寺者。必以文祭。蓋訛傳謂以污穢之物祭之。其實乃少牢也。其文云。國家於三年恩霈。汝雖誤國。然今亦不忘汝之舊。特用以祭。繆傳若此。豈朝廷寬大之恩哉。

杭州市肆有喪之家。命僧爲佛事。必請親戚婦人觀看。主母則帶養娘隨從。養娘首問來請者曰。有和尚弄花鼓棒否。請者曰有。則養娘爭肯前去。花鼓棒者。謂每舉法樂。則一僧三四鼓棒在手。輪轉拋弄。諸婦人競觀之以爲樂。亦誨淫之一端也。

賈似道母兩國夫人。本賈涉之賤妾。嘉定癸酉。涉爲萬安丞。似道在孕。不容於嫡。縣宰陳履常。新淦人也。涉與之通家往來。以情告之。遂相與謀。陳宰令其妻過承廳之次。諸妾環侍談話間。因語丞妻。以乏使令。欲借知事一妾。丞妻云。惟所擇用。陳妻遂指似道之母。丞妻幸其去。欣然許之。卽隨軒以歸縣衙。及八月八日。似道生於縣治。賈承檄往他郡歸。謁于宰。始知之。終不復入承廳。後改任。雖攜似道歸鄉。而其母竟流落。及似道鎮維揚。子母方得聚會。享富貴數十年。咸淳甲戌。以壽終。似道歸越治葬。朝士貴戚設祭饌。以相高爲競。有累至數丈者。裝祭之日。以至顛死數人。送葬者值水潦。不問貴官。沒及腰膝。不得自便。雖理宗度宗山陵。無以過之。其冬。北兵渡江。似道潰師。

寶祐乙卯。御史洪天錫劾內臣盧允升。董宋臣疏不行。六月。御筆御史丁大全除司諫。御史陳大方除正言。正言胡大昌除侍御。洪天錫遂左遷。時天下目丁大全。陳大方。胡大昌。爲三不吠之犬。溫陵呂中作國史要略。謂南渡之後。一壞於紹興之檜。再壞於開禧之韓。三壞於嘉定之史。愚亦謂理宗四十年在御。一壞於嵩之。再壞於大全。三壞於似道也。相之壞國如此哉。

夢梁錄目錄

卷一

正月

元旦大朝會

立春

元宵

車駕詣景靈宮孟襲

二月

八日祠山聖誕

二月望

卷二

三月佑聖真君誕辰附

諸州府得解士人赴省闈

蔭補未仕官人赴銓

夢梁錄目錄

清明節

諸庫迎煮

州府節制諸軍春教

二十八日東嶽聖帝誕辰

暮春

卷三

四月

皇太后聖節

宰執親王南班百官入內上壽賜宴

皇帝初九日聖節

僧寺結制

五月重午附

士人赴殿試唱名

卷四

六月 崔真君誕辰附

七月 立秋附

七夕

解制日 中元附

八月

中秋

解開

觀潮

卷五

九月 重九附

明禋年預教習車象

明堂差五使執事官

駕出宿齋殿

五輅儀式

卷六

十月

立冬

孟冬行朝饗禮遇明禋歲行恭謝禮

十一月冬至

十二月

除夜

卷七

杭州

卷八

大河橋道

小河橋道

西河橋道

小西河橋道

倚郭城南橋道

倚郭城北橋道

禁城九廂坊巷

大內

德壽宮

太廟

景靈宮

萬壽觀

御前宮觀

西太乙宮

夢梁錄 目錄

卷九

佑聖觀

顯應觀

四聖延祥觀

三茅寧壽觀

開元宮

龍翔宮

宗陽宮

三省樞使諫官

六部

六部監門

諸寺

秘書省國史敕令附

諸監

大宗正司

省所

六院四轄

三衙

閣職

監當諸局

諸倉

內司官

內諸司奉安

卷十

諸官舍

府治

運司衙

后戚府

諸王宮

家廟

館驛

本州倉場庫務

點檢所酒庫

安撫司酒庫

廂禁軍

防隅巡警

帥司節制軍馬

卷十一

諸山岳

嶺

諸洞

溪潭澗浦

井泉

池塘

堰閘渡

卷十二

西湖

下湖

浙江

城內外河

湖船

江海船艦

河舟

卷十三

兩赤縣市鎮

都市錢會

團行

鋪席

天曉諸人出市

夜市

諸色雜貫

卷十四

祠祭

山川神

忠節祠

仕賢祠

古神祠

土俗祠

東都隨朝祠

外郡行祠

卷十五

學校

貢院

城內外諸宮觀

城內外寺院

僧塔寺塔

古今忠烈孝義賢士墓

歷代古墓

卷十六

茶肆

酒肆

分茶酒店

麵食店

葷素從食店 諸色點心事件附

米鋪

肉鋪

醬鋪

卷十七

歷代人物

文武狀元表

武舉狀元

后妃列女

歷代方士

歷代方外僧

行孝

卷十八

民俗

戶口

物產

穀之品

絲之品

帛之品

貨之品

菜之品

果之品

竹之品

木之品

花之品

藥之品

禽之品

獸之品

蟲魚之品

免本州歲納及苗稅

免本州商稅

恩需軍民

恤貧濟老

卷十九

園囿

瓦舍

場房

夢
梁
錄
目錄

社會

閒人

僱覓人力

四司六局筵會假貨

卷二十

嫁娶

育子

妓樂

百戲伎藝

角觝

小說講經史

夢梁錄卷十六

茶肆

汴京熟食店。張掛名畫。所以勾引觀者。留連食客。今杭城茶肆亦如之。插四時花。掛名人畫。裝點店面。四時賣奇茶異湯。冬月添賣七寶擂茶。餛子。葱茶。或賣鹽豉湯。暑天添賣雪泡梅花酒。或縮脾飲。暑藥之屬。向紹興年間。賣梅花酒之肆。以鼓樂吹梅花引曲。破賣之用銀盃杓盞子。亦如酒肆論一角二角。今之茶肆。列花架。安頓奇杉異檜等物於其上。裝飾店面。敲打響盞歌賣。止用盞漆托供賣。則無銀盃物也。夜市於大街有車擔設浮鋪點茶湯。以便遊觀之人。大凡茶樓多有富室子弟。諸司下直等人會聚。習學樂器。上教曲賺之類。謂之掛牌兒。人情茶肆。本非以點茶湯爲業。但將此爲由。多覓茶金耳。又有茶肆。專是五奴打聚處。亦有諸行借工賣伎人會聚。行老謂之市頭。大街有三五家開茶肆。樓上專安着妓女。名曰花茶坊。如市西坊南潘節幹。俞七郎茶坊。保佑坊北朱骷髏茶坊。太平坊郭四郎茶坊。太平坊北首張七相幹茶坊。蓋此五處多有炒鬧。非君子駐足之地也。更有張賣麵店隔壁。黃尖嘴蹴毬茶坊。又中瓦內王媽媽家茶肆。名一窟鬼茶坊。大街車兒茶肆。蔣檢閱茶肆。皆士大夫期朋約友會聚之處。巷陌街坊。自有提茶瓶沿門點茶。或朔望日。如遇凶吉二事。點送鄰里茶水。倩其往來傳語耳。有一等街司衙兵百司人。以茶水點送門面鋪席。乞覓錢物。謂之齷茶。僧道頭陀道者。欲行題注。先以茶水沿門點送。以爲進身之

階。

酒肆

中瓦子前武林園。向是三元樓。康沈家在此開沽。店門首綵畫歡門。設紅綠杈子。緋綵簾幙。貼金紅紗。梔子燈。裝飾廳院廊廡。花木森茂。酒座瀟灑。但此店入其門。一直主廊。約一二十步。分南北兩廊。皆濟楚。閑兒穩便坐席。向晚燈燭熒煌。上下相照。濃粧妓女數十。聚於主廊樣面上。以待酒客呼喚。望之宛如神仙。次有南瓦子熙春樓。王廚開沽。新街巷口花月樓。施廚開沽。融和坊嘉慶樓。聚景樓。俱康沈脚店。金波橋風月樓。嚴廚開沽。靈椒巷口賞新樓。沈廚開沽。壩頭西市坊雙鳳樓。施廚開沽。下瓦子前日新樓。鄭廚開沽。俱有妓女。以待風流才子買笑追歡耳。如酒肆門首。排設杈子及梔子燈等。蓋因五代時郭高祖遊幸汴京。茶樓酒肆。俱如此裝飾。故至今店家倣成俗也。大抵酒肆。除官庫子庫脚店之外。其餘謂之拍戶。兼賣諸般下酒。食次隨意索喚。酒家亦自有食牌。從便點供。更有包子酒店。專賣灌漿饅餡。薄皮春蟹包子。鰕肉包子。魚兜雜合粉。灌爇大骨之類。又有肥羊酒店。如豐豫門歸家省馬院前莫家。後市街口施家。馬塢巷雙羊店等鋪。零賣軟羊大骨龜背。爛烝大片。羊雜燂四軟。羊攢四件。有一等直賣店。不賣食次下酒。謂之角毬店。零沽散賣。或百單四十七。五十二。三十八者是也。又有掛草葫蘆。銀馬杓。銀大碗。亦有掛銀裏直賣牌。多是竹棚布幕。謂之打碗頭。只三二碗便行。更有酒店。兼賣血臟。豆腐羹。熇螺螄。煎豆腐。蛤蜊肉之屬。乃小輩去處。若酒力高美者。牌額賣過山之名。其言一山。二山。三山之類是也。大凡入店不

可輕易登樓。恐飲宴短淺。如買酒不多。只就樓下散坐。謂之門床馬道。初坐定。酒家人先下看菜。問酒多寡。然後別換好菜蔬。有一等外郡士夫。未曾諳識者。便下筇屨。被酒家人哂笑。然店肆飲酒。在人出着。且如下酒品件。其錢數不多。謂之分茶。小分下酒。或命妓者。被此輩索喚珍品。下細食次。使其高擡價數。惟經慣者不墮其計。曩者。東京楊樓。白簪。八仙樓等處。酒樓盛於今日。其富貴又可知矣。且杭都如康沈施廚等酒樓店。及薦橋豐木坊王家酒店。開門外鄭廚分茶酒肆。俱用全桌銀器皿沽賣。更有碗頭店。二處。亦有銀臺碗沽賣。於他郡却無之。

分茶酒店

凡分茶酒肆。賣下酒食品。廚子謂之量酒。博士師公。店中小兒謂之大伯。更有百姓入酒肆。見富家子弟等人飲酒。近前唱喏。小心供過。使人買物命妓。謂之閒漢。又有向前換湯斟酒。歌唱獻果。燒香香藥。謂之厮波。有一等下賤妓女。不呼自來。筵前祇應。臨時以些少錢會贈之而去。名打酒坐。亦名禮客。有賣食藥香藥果子等物。不問要與不要。散與坐客。名曰散暫。如此等類。處處有之。杭城食店。多是效學京師人。開張亦效御廚體式。貴官家品件。凡點索茶食。大要及時。如欲速飽。先重後輕。兼之食次名件甚多。姑以述于後。曰百味羹。錦絲頭羹。十色頭羹。間細頭羹。海鮮頭食。酥沒辣象眼頭食。蓮子頭羹。百味韻羹。雜彩羹。炊菜頭羹。五軟羹。四軟羹。三軟羹。集脔羹。三脆羹。雙脆羹。羣鮮羹。落索兒。焙腰子。鹽酒腰子。脂蒸腰子。釀腰子。荔支焙腰子。腰子假炒肺。鷄絲簽。鷄元魚。雞脆絲。笋雞鵝。柰香新法雞。酒蒸雞。炒鷄。五味焙鷄。鵝

粉簽雞奪真、五味杏酪鵝、綉吹鵝、間筍蒸鵝、鵝排吹羊大骨、蒸軟羊、鼎煮羊、羊四軟、酒蒸羊、綉吹羊、五味杏酪羊、千里羊、羊雜燴、羊頭元魚、羊蹄筍、細抹羊生膾、改炙作汁、羊膾粉、細點羊頭、三色肚絲羹、銀絲肚、肚絲簽、雙絲簽、葷素簽、大片羊粉、大官粉、三色團圓粉、轉官粉、三鮮粉、二色水龍粉、鮮蝦粉、脆掌粉、梅血細粉、鋪薑粉、雜合粉、珍珠粉、七寶科頭粉、檀香螺、酒燒香螺、香螺膾、江瑤清羹、酒燒江瑤、生絲江瑤、攪望潮青蝦、蟬蛭、酒炙青蝦、酒法青蝦、青蝦辣羹、酒掇蠣、生燒酒蠣、薑酒決明、五羹決明、二陳羹決明、簽決明、四鮮羹、赤魚分明、薑燥子赤魚、魚鰾二色膾、海鮮膾、鱸魚膾、鯉魚膾、羣鮮膾、燥子沙魚絲兒、清供沙魚拂兒、清汁鰻鰓、假團圓燥子、襯腸血筒燥子、麻菇綠筍燥子、潭筍、釀筍、抹肉筍簽、酥骨魚、醃魚、兩熟鮑魚、酒蒸石首、白魚、時魚、酒吹鱖魚、春魚油燻、春魚魴魚、石首油燻、魷鯽油燻、假河純、石首玉葉羹、石首桐皮、石首鯉魚炒鱖、石首鱖生、石首鯉魚兜子、銀魚炒鱖、攪鱸魚清羹、魷鯽假清羹、鯉魚肚兒羹、魷鯽滿盆、江魚假蜆、酒法白蝦、紫蘇蝦、水荷蝦兒、蝦包兒、蝦王、鯽辣羹、蝦蒸假爛、查蝦魚、水龍蝦魚、蝦圓子、麻飲雞蝦粉、芥辣蝦、蹄膾、麻飲小雞頭、汁小雞、小雞元魚羹、小雞二色蓮子羹、小雞假花紅清羹、攪小雞、拂兒、筍、燻小雞、五味炙小雞、小雞假炙鴨、紅燻小雞、脯小雞、五色假料頭肚尖、假炙江瑤肚尖、燻肚山藥、鶴子、鳩子、筍焙鶴子、假燻鴨、清燻鶴子、紅燻鳩子、八槌鶴子、蜜炙鶴子、鳩子、黃雀、釀黃雀、煎黃雀、辣燻野味、清供野味、野味假炙、野味鴨盤兔糊、燻野味、清燻鹿肉、黃羊、獐肉、炙狍兒、赤蟹、假炙蟹、根、醋赤蟹、白蟹、辣羹、蚌蟶簽、蚌蟶辣羹、溪蟹、柰香盒蟹、辣羹蟹、簽糊蟹、蟹、根醋洗手蟹、根釀蟹、五味酒醬蟹、酒撥蟹、生蚶子、